



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 107. Naves victorioso portum ingressæ

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

etum quoque classis palo transfigere cogitabat, indubie consilium executurus, nisi primorum Aulæ precibus placatus fuisset.

§. CVII.

Naves victoriose portum ingressæ.

Nihilominus Mahometes summa animi sui indignatione has naves portum subire spectabat; cum enim opportuna esset maris tranquillitas, ac sol ad vesperam declinaret, Auster navibus hisce secundus adspiravit, unde Chienfes expansis pleno sinu velis sese Turcarum navibus, nullo ordine dispersis ac metu fractis subdlexerunt, & Christianorum navigia paulopost cunctis præ gaudio festive acclamantibus Urbis portu excepta fuerunt. Victoriæ hujus felicitas non parum inde aucta est, quod nullo penitus ex Victoribus amisso, pauci admodum Genuenses vulnerati essent, qui etiam post aliquot dies decesserunt: cum tamen ex Turcis, proprio eorum testimonio, supra duodecim millia desiderati fuerint. Mahometes impotenti in suos iracundia excandescens, in superos quoque sexcentas evomuit blasphemias; maxime autem infausito obsidionis successu fractus erat, ubi summo animi sui moerore urbis muros a ruinis citius redintegratos, quam læsos

*Phranz. l. 3.
cap. 10.*

Sæcul. XV. A.C. 1453. læsos, fossasque tam celeriter purgatas, quam impletas fuisse conspiceret; quapropter Justinianum, cujus virtus sibi a deo infesta erat, auro corrumpere tentabat; verum spe sua delusus, pacem exoptare simulabat, oblatis tamen ejusmodi conditionibus, quas a Græcis nunquam acceptandas prænoverat.

§. CVIII.

Pax Græcis a Mahomete oblata.

Igitur missis ad Constantinum Fecialibus petiit, ut sibi urbem imperialem cederet, & in ejus locum Peleponnesum acciperet, pollicitus, se fratribus ejus in damni compensationem alias terras libere possidendas daturum. Verum his conditionibus, quibus Mahometes unice Constantinopolitanæ urbis dominium sibi afferere intenderat, confestim rejectis, Græcorum Imperator jam desperata pace fortiter decrevit, se urbem, si illam conservare non posset, saltem nonnisi cum propriæ suæ vitæ dispendio amissurum, & qua Imperatorem moriturum.

§. CIX.

Turcæ falso rumore territi obsidionem solvere parati.

Phranz l. 3. cap. 13. & 14. Vix non generosum hoc Imperatoris consilium Felix faustusque coronasset